

ՀՀ Շահութային «Ագրոսպասարկում» ԲԲԸ
Գիտատեխնիկական խորհրդի նախագահ
_____ Մ. Ա. Պողոսյան
«22» նոյսիս 2026թ.

Առաջատար կազմակերպության՝ ՀՀ Շահումյանի «Ազրոսպասարկում» ԲԲԸ, Անուշ Պարգևի Տոնապետյանի «Արմատապտուղների բերքահավաքի փոքրաչափ մեքենայի մշակում և պարամետրերի հիմնավորում» թեմայով ատենախոսության վերաբերյալ, ներկայացված Հայաստանի ազգային ագրարային համալսարանին կից ԲԿԳԿ-ի 033 «Գյուղատնտեսության մեքենայացում» մասնագիտական խորհրդի Ե.20.01 «Գյուղատնտեսական արտադրության մեքենայացում և մեքենաներ» մասնագիտությամբ տեխնիկական գիտությունների թեկնածուի գիտական աստիճանի հայցման համար:

Գյուղատնտեսական նշանակության հողերի սեփականաշնորհումից հետո շատ մշակաբույսեր, այդ թվում նաև արմատապտուղները, մշակվում են գյուղացիական և ֆերմերային տնտեսությունների ոչ մեծ հողակտորներում, որտեղ բերքահավաքի բարձր արտադրողական մեքենաները գործնականում կիրառելի չեն՝ իրենց թանկարժեքության և տարբեր տեսակի արմատապտուղների բերքահավաքի համար կիրառվող ունիվերսալ բանվորական օրգանների բացակայության պատճառով։ Ուստի փոքր հողակտորներում արմատապտուղների բերքահավաքի մեքենաների ստեղծումը հանդիսանում է գյուղատնտեսական արտադրության կարևորագույն խնդիր, որով և պայմանավորված է թեմայի արդիականությունը։

Գիտահետազոտական աշխատանքների արդյունքում ընդհանրացվել են արմատապտուղների բերքահավաքի մեքենայացման արդի վիճակը, տեխնիկական

միջոցների մշակման գիտահետազոտական աշխատանքների արդյունքները, փոքր հողակտորներում արմատապտուղների բերքահավաքի մեքենաների կիրառման նպատակահարմարության հիմնավորումները և դրանց կատարելագործման հեռանկարային ուղղությունները

Նախագծվել և պատրաստվել է ՀՀ գյուղացիական և ֆերմերային տնտեսությունների փոքր հողակտորներում արմատապտուղների բերքահավաքի ունիվերսալ փոքրաչափ մեքենա:

Մշակվել է արմատապտուղների բերքահավաքի ունիվերսալ փոքրաչափ մեքենայի բանող օրգանների պարամետրերի որոշման և հողի հետ ուժային փոխազդեցության, մեքենայի ուղղույթի կայունության հաշվարկի տեսություն և ստացվել կառուցվածքատեխնոլոգիական պարամետրերի որոշման հաշվարկային բանաձևեր:

Գիտափորձական հետազոտություններով որոշվել է արմատապտուղների բերքահավաքի գործընթացը բնութագրող մի շարք գործոնների միջև ռեգրեսիոն կախվածություններ՝ ըստ մշակված ծրագրի և մեթոդիկայի:

Արտադրական փորձարկումների արդյունքներով հիմնավորվել է առաջարկված արմատապտուղների բերքահավաքի փոքրաչափ մեքենայի տնտեսական արդյունավետությունը:

ԱՏԵՆԱԽՈՍՈՒԹՅԱՆ ԳԻՏԱԳՈՐԾՆԱԿԱՆ ՆՇԱՆԱԿՈՒԹՅՈՒՆԸ ԵՎ

ԱՐԴՅՈՒՆՔՆԵՐԻ ՆԵՐԴՐՈՒՄԸ

Կատարված տեսական և գիտափորձական հետազոտությունների արդյունքների գիտագործական նշանակությունն արժևորվում է փոքր հողակտորներում մշակվող արմատապտուղների բերքահավաքի մեքենայի և բանող օրգանների պարամետրերի օպտիմալացման և մեքենայի շարժման կայունության ապահովման հաշվարկի տեսության մշակումով, որը կարող է օգտագործվել տեխնոլոգիապես նմանատիպ մեքենաների մշակման համար:

Հետազոտությունների արդյունքների վերլուծությամբ մշակվել է արմատապտուղների բերքահավաքի փոքրաչափ մեքենա (ՀՀ արտոնագիր N 602U),

որը կարելի է արդյունավետորեն օգտագործել նաև պալարապտուղների բերքահավաքի համար:

Մշակված արմատապտուղների բերքահավաքի փոքրաչափ մեքենայի փորձանմուշի արտադրական փորձարկումներն իրականացվել են Արագածոտնի մարզի Հնաբերդի համայնքի գյուղացիական տնտեսություններում, որի արդյունքներից պարզվել է, որ մեքենան ապահովում է փոքր հողակտորներում արմատապտուղների ավելի քան 95%-ով հողից անվնաս հանումը:

Ատենախոսության հիմնական դրույթները զեկուցվել և քննարկվել են ուսանողական, ասպիրանտական, պրոֆեսորա-դասախոսական կազմի ամենամյա գիտաժողովներում, Ավտոտրակտորների և գյուղմեքենաների ամբիոնի սեմինար խորհրդակցություններում (2021-2026թ.թ.) և ամբիոնի ընդլայնված նիստում, 2026թ.:

ԱՏԵՆԱԽՈՍՈՒԹՅԱՆ ԲՈՎԱՆԴԱԿՈՒԹՅԱՆ ԳՆԱՀԱՏՈՒՄԸ

Ատենախոսությունը բաղկացած է ներածությունից, 5 բաժիններից, ընդհանուր եզրակացություններից և առաջարկություններից, գրականության ցանկից՝ 122 անվանումով: Այն շարադրված է 135 էջի վրա, ընդգրկում է 47 նկար և 12 աղյուսակ:

Ատենախոսության հիմնական դրույթները հրատարակված են 8 տպագիր աշխատանքներում (այդ թվում 1 ՀՀ արտոնագիր):

Ներածությունում շարադրված են թեմայի արդիականությունը և աշխտականության ներկայացված հիմնական դրույթները:

Առաջին բաժնում ներկայացված են հետազոտության խնդիրները: Կատարվել է գույաշտնտեսությունում արմատապտուղների բերքահավաքի տեխնոլոգիաների վերլուծություն, դրանց թերությունների բացահայտում և վերացման ուղիների նախանշում: Ձևավորվել են հետազոտությունների նպատակն ու հիմնական խնդիրները:

Երկրորդ բաժնում ուսումնասիրվել է արմատապտուղների բերքահավաքի մեքենաների բանվորական օրգանների նախագծման առանձնահատկությունները, հետազոտվել է սկավառակավոր բանվորական օրգանի աշխատանքային մակերևույթով հողի շարժման կինեմատիկան, հիմնավորվել են բանվորական

օրգանների պարամետրերը և բացահայտվել դրանց ազդեցությունն արմատապտուղների բերքահավաքի որակական ցուցանիշների վրա:

Արմատապտուղների բերքահավաքի արդյունավետ կազմակերպման համար մշակվել է փոքրաչափ մեքենա, որն ունի պարզ կառուցվածք, փոքր եզրաչափեր, ցածր արժեք և փոքր շահագործական ծախսեր, ապահովում է փոքր հողակտորներում արմատապտուղների լրիվ հանումը: Այն ունիվերսալ է, կարելի է արդյունավետ օգտագործել ինչպես արմատապտուղների, այնպես էլ պալարապտուղների բերքահավաքի համար:

Երրորդ բաժնում մշակվել է գիտափորձնական հետազոտությունների ծրագիրը և մեթոդիկան: Գիտափորձերը նախապատրաստվել և անցկացվել են դրանց պլանավորման և արդյունքների մաթեմատիկական մշակման ընդունված մեթոդների հիման վրա: Համապատասխան մշակված ծրագրի պատրաստվել է արմատապտուղների բերքահավաքի փոքրաչափ մեքենայի փորձանմուշ, ճշգրտվել են առաջարկված արմատապտուղների բերքահավաքի փոքրաչափ մեքենայի բանոդ օրգանների տեսական հետազոտություններով ստացված պարամետրերը, որոշվել է առաջարկված արմատապտուղների բերքահավաքի փոքրաչափ մեքենայի քարշային դիմադրությունը, որոշվել են մշակված արմատապտուղների բերքահավաքի փոքրաչափ մեքենայի աշխատանքի որակական ցուցանիշները:

Չորրորդ բաժնում բերվել են գիտափորձնական հետազոտությունների արդյունքները և կատարվել վերլուծություններ: Ուսումնասիրվել է արմատապտուղների բերքահավաքի փոքրաչափ մեքենայի սկավառակավոր բանոդ օրգանի գրոհի և ուղղաձիգի նկատմամբ կանգնակի թեքման անկյունների ազդեցությունը քարշային դիմադրության վրա: Արմատապտուղների բերքահավաքի գործընթացի որակական ցուցանիշների որոշման նպատակով իրականացվել են դաշտային գիտափորձեր, որի ժամանակ որոշվել են հողից անջատված և մակերևույթ դուրս եկած արմատապտուղների ընդհանուր թվաքանակը, ինչպես նաև, հողի մակերևույթ դուրս եկած չվնասված արմատապտուղների թվաքանակը, կազմվել դրանց ռեգրեսիոն հավասարումներ ու համապատասխան գրաֆիկներ և կատարվել վերլուծություններ:

Հինգերորդ գլխում կատարվել է արմատապտուղների բերքահավաքի փոքրաչափ մեքենայի կիրառման տնտեսական արդյունավետության հիմնավորում:

Ատենախոսությունն ավարտվում է ընդհանուր եզրակացություններով ու առաջարկություններով, օգտագործված գրականության ցանկով:

Հետազոտություններով ստացված արդյունքներն ունեն գիտագործնական կարևոր նշանակություն:

Ատենախոսության վերաբերյալ կան հետևյալ դիտողությունները.

1. Աշխատանքում բացակայում են տվյալներ մշակված արմատապտուղների բերքահավաքի փոքրաչափ մեքենայի շահագործական հուսալիության վերաբերյալ, որը կարևոր է նախագծված մեքենան արտադրության հանձնելու համար:

2. Գիտափորձերով, մեքենայի քարշային դիմադրությունը որոշելիս, որպես անկախ գործոններ վերցվել են սկավառակի գրոհի և կանգնակի դրվածքի անկյունները: Ցանկալի կլիներ, որպես երրորդ անկախ գործոն, ընտրվեր մեքենայի շարժման արագությունը, քանի որ այն էականորեն ազդում է մեքենայի քարշային դիմադրության վրա:

3. Գիտափորձնական հետազոտությունները կատարվել են միայն Արագածոտն մարզի Հնաբերդ համայնքի սևահողերում, լավ կլիներ հետազոտությունները կատարվեր նաև այլ հողային պայմաններում (այլ տարածաշրջաններում):

4. Եզրակացություններից երևում է, որ մշակված արմատապտուղների բերքահավաքի մեքենան կարելի է կիրառել պալարապտուղների բերքահավաքի համար, սակայն ատենախոսությունում չի նշված թե ինչպես:

Արված դիտողությունները բացասաբար չեն կարող ազդել ատենախոսության գիտական և արտադրական նշանակության վրա:

ԵԶՐԱԿԱՅՈՒԹՅՈՒՆ

Անուշ Պարգևի Տոնապետյանի ատենախոսական աշխատանքը համարվում է ավարտուն գիտական աշխատանք, որտեղ հեղինակի կողմից կատարված տեսական ու գիտափորձնական հետազոտությունների արդյունքների հիման վրա մշակված արմատապտուղների բերքահավաքի փոքրաչափ մեքենան անցել է արտադրական փորձարկումները:

Ատենախոսական աշխատանքը բավարարում է ՀՀ գիտական աստիճանաշնորհման կանոնակարգի 7-րդ կետի, ինչպես նաև, ԲԿԳԿ-ի կողմից թեկնածուական ատենախոսություններին ներկայացվող պահանջներին, համապատասխանում է Ե.20.01 «Գյուղատնտեսական արտադրության մեքենայացում և մեքենաներ» մասնագիտությանն, իսկ ատենախոսության հեղինակն՝ Անուշ Պարզևի Տոնապետյանն արժանի է տեխնիկական գիտությունների թեկնածուի գիտական աստիճանի շնորհմանը:

Առաջատար կազմակերպության կարծիքը քննարկվել է ՀՀ Շահումյանի «Ագրոսպասարկում» ԲԲԸ գիտատեխնիկական խորհրդի 2026թ հունիսի 22-ին կայացած նիստում (արձանագրություն թիվ 2), մասնակցությամբ տեխնիկական գիտությունների դոկտորներ Ս.Ե.Մարգարյանի (խորհրդի նախագահի տեղակալ), գյուղատնտեսական գիտությունների դոկտոր Գ.Հ.Գիլոյանի (խորհրդի գիտական քարտուղար), Հ.Թ.Հակոբյանի, տեխնիկական գիտությունների թեկնածուներ Վ. Զ. Մելիքյանի, Ա.Գ.Մազմանյանի, և արտադրության ներկայացուցիչների:

Կարծիքը կազմեցին տ.գ.դ.

տ.գ.դ.

տ.գ.թ.

տ.գ.թ.

Ա.Ս.Մարգարյանը

Հ.Թ.Հակոբյանը

Ա.Գ.Մազմանյանը

Վ. Զ. Մելիքյանը

Տ.գ.դ. Ս.Ե.Մարգարյանի, տ.գ.դ. Հ.Թ.Հակոբյանի, տ.գ.թ. Վ. Զ. Մելիքյանի և տ.գ.թ. Ա.Գ. Մազմանյանի ստորագրությունների իսկությունը հաստատում եմ.

Գիտատեխնիկական խորհրդի քարտուղար գ.գ.դ. պրոֆ. Գ.Հ.Գիլոյան

22.06.2026թ.

